


EGUNEKO DIANAK

Zestau I



Migel Zestau erremontistari omenaldia egin zioten atzo Galarreta pilotalekuan, hogeitabat urte erremontista profesionalen koadroan eman eta gero iragandako azaroaren 30ean azken partidua jokatu ondoren. Gaztetan eskuz jokatzaren hasi zen Zestau I, eta GRAVNeke txapelaldia izatera ere iritsi zen. Nahiz eta berandu hasi erremontean, eredu bilakatu da bere atzetik etorri direnentzat / **22**

EIK



Atzo, larunbata, eratu zen Estatu Independentienteen Komunitatea (EIK), Soviet Batasuna izandakoaren hamabost errepubliketatik hamaikak osatuta. Aipatzekoa da, errepublika horietako lehendakariak SESBen desagitea sinatu zutela, Mikhail Gorbaxov lehendakari sovietaerrari jubilazio emanez. Era beran, arma nuklearren kontrol bateratua erabaki zuten hamaika errepubliketako lehendakariak, eta horrek lasaitasuna sortu du Mendebaldean / **15**

Elgorriaga Bidasoa



Elgorriaga Bidasoa eskubaloit talde irundarrak, garaipen garrantzitsua lortu zuen atzo Barcelona taldearen aurka. Puntu bateko aldeaz lortu zuten irundarrek irabaztea, 26-25ekoa izan bait zen partiduen azken emaitza. Aipatzekoa da, Elgorriaga Bidasoak atzo lortutako garaipenak Espainiako ASOBAL kopan sailkatu duela Irungo taldea / **19**

Azpeitia



Loteriako bostgarren saria, zati batean Azpeitian saldu beharrekoa zen 32.029 zenbakiari egokitu zaio. Hala ere, Azpeitiko 1 zenbakiko loteria administrazioak, zenbaki horren bi serie itzuli zituen «azpeitiarrek erosi nahi ez zutelako», bertatik adierazi dutenez. Ondorioz, Haziendan gelditutako dira Azpeitira joan beharreko milioi mordoxka horiek / **9**

Gaizka Aranguren: «Legegizon izateko asko ikasi behar zelako naiz kazetari»

G. LANDABASO / IRUÑEA


Eltze guztietako zalea izatea gustatzen zaio Gaizka Aranguren iruinseme gazteari. Agian horregatik da hainbat eta hainbat arlotan ezagun, bai Iruñean eta bai bertatik kanpo. Ofizioz kazetari den arren, unibertsitateko ikasle mugimenduetan ere zeresan franko izan du, agian nafarrek berezkoa duten odol beroak eraginda.

Kazetari lanetan ere, ez da komunikabide batera mugatu baizik eta prentsan, telebistan eta irratan, hiruretan ibili da. Hala ere, gehien atsegin duen medioa irrata da. «Beharbada telebista gehiegi ezagutzen ez dudalako», dio Gaizkak.

Baina kazetari izatea ez da Gaizkak betidanik izan duen nahia, txikitan legegizona izan nahi zuen, baina horretarako asko ikasi behar zela jakitean zeharo beldurtu zen iruindarra. «Umetan abokatu izan nahi nuen —diosku—, baina Konstituzioa buruz ikasi behar nuela esan zidatenean, asmo hori bertan behera utzi nuen».

Euskal komunikabideetan lan egiteko militantzia beharrezkoa den ala ez galdetzean, «medio batzuetan bai, beste batzuetan ez —erantzun du—. Instituzioen laguntzarik ez dutelako gaizki daudenetan, derri gorrezkoa da militantzia». Hori bai, euskara suspertzeko irratia batek bere beharra izango balu, «militantzia gauza guztien gainetik jarriko nuke», ziurtatu du iruinsemeak.

Egun kiroletako kolabora-



SOSLAIA

Zezenak harrapatu zuen erromantikoa

Hogeitalau urteko nafar honi, irakurtzea, lagunekin ibiltzea eta olerkiak egitea gustatzen zaio. «Asko gustatzen zait, lotsa piska bat kenduta neskengana olerkiak esatera joatea», aitortu du. Bere burua erabat erromantikotzat jot du. Nafar jatorria izanik, jotak oso ongi kantatzen omen ditu. Orain urte batzuk, Sanferminetako entzierroan, zezen batekin topo egin zuen, eta horrek bi adarkada eman zizkion, 15 zentimetrokoa bata eta 30ekoa bestea. Hala ere, «ospitalean larri sartu arren, hankak osorik nituela ateratzen», dio umoretsu.

zioak egiten dihardu. Ikasten hasi zenean, orde, informatiboak egiten zituen, eta ordu gehien arlo horretan sartu ditu. «Zalantzarik gabe informatiboak dira gehien atsegin dudana» dio arpegian inolako duda izpirik gabe. Hori bai, elkarrizketa saioak ere atseginaz egingo lituzkeen zerbait direla gaineratuz.

Gaizkaren iritziak, ez da komenigarria kazetari bat arlo zehatz batean kokatzea, eta ez luke sekula bere burua kirol kazetari gisa sailkatuko; «ez zait gehiegi gustatzen kirol kazetari izatea, errutina hutsa dela iruditzen zait», aipatu du. Orain dela lau urtetik dabil erretransmisioak egiten Euskadi Irrati-rako.

Kazetariak, nolabaiteko mertzenarioak direla dio iruinsemeak, baina euren burua komunikabideen menpe jartzen duten heinean. Hori dela eta, ideologia beti jarri du Gaizkak edozein medioren gainetik.

Kamara aurrean jartzea, ez du oso gogoko iruindarrak, baina antzerkian izandako esperientziak naturaltasuna ematen diola onartu du. Mikrofonoari, aldiz, aspaldi galdu zion beldurra, prentsa idatziari ez bezala. «Idatzi baten aurrean beti kontu handia izaten dut», azaldu du, «inoiz ez bait dakit ongi egin dudana ala ez». Bere amets gorrena, berriz, ez da ez dirudun eta ez ospetsu izatea askotan lortzea oso zaila den zerbait baizik. «Dagokidan arloan nire printzipioei leial izatea da, benetan lortu nahi dudana», aitortu du.

LERRO GUTXITAN

In Fraganti eta Bederen 1 taldeak irabazle Azpeitian

Azpeitiako IX Euskal Antzerki Topaketetan, talde profesional onenentzako saria bi taldek jaso dute, Bederen Iek 'Desioen Pontxea' Michael Ende idazlearen obrarengatik, eta In Fraganti izen bereko lanarengatik. Epaimahaiaren arabera, bi talde hauek aurkeztutako lanen kalitatea medio, ezinbestekoa izan zaie bi sari ematea. Talde onenaren saria, berriz, Hazparneko Bordaxuri taldeak eskuratu du, Marc Perrier-en 'Berantenik seiretan' antzezlanarekin.

Aipatzekoa da, aurtengo Azpeitiko antzerki saioetan, ez direla banatu aurreko urteetan ohizkoak izan diren sarietako batzuk, aktore eta zuzendari onenari emandakoak, besteak beste, antolatzaileek aurrez hala erabaki zutelako. Hamalau izan dira Euskal Antzerki Topaketeten aurtengo edizioan ihardun dutenak, iragan azaroaren 30ean hasi eta atzo arte. Antzezkiak gain, beste hainbat ekitaldi ere izan da Azpeitiko Topaketetan harian.



MADAME Tussaud-en argizari museo

ezagunean Mikhail Gorbaxov agintari sovietaerraren irudia ikusteko asmoa eta gogoia dutenak baztertu egin beharko dute nahi hori, hemendik aurrera ezinezkoa izango bait da. Agintaritzara iritsi zenetik, han izan da 'munduko liderren' aretoan Gorbaxoven irudia, Khol, Mitterrand, Bush, Major eta beste hainbat agintari ezagunekin batera. Baina Gorbaxoven heriotz politikoa gertatzen ari den honetan, bertatik kentzea erabaki dute museoeko arduradunek. Nor jarriko ote dute bere ordez?

Hiru atzerritar atxilotu dituzte Cuban pankarta bat jartzeagatik

Hiru lagun atzerritar atxilotu zituzten La Habanan herenegun, bertako Cubako Alderdi Komunistaren egoitzaren aurrean pankarta bat jarri zutelako. Hiru atxilotuen helburua —bi Mexikokoak eta bat espainiarra— Castrorekin hitzegitea zen eta lortu ezin zuten, letra handiz 'Castro, bi egun bakarrik dituzu' idatzia zuen pankarta eskegi zuten aurrez aipaturiko tokian, letra txikiagoz 'gurekin hitzegiteko' jarraian ipintzen zuena.

Hiru atxilotuak, alderdi ekologista bateko kide dira eta Castrorekin hitzegi nahi zuten, euren aburuz hau delako munduan eragina izan dezakeen agintari bakarra. Castroren euren asmo ekologisten berri emateko asmoa zuten aipaturiko hirur lagunek, ondoren agintari cubatarrek euren proposamena bere egin zezan, eta bere eraginaren bidez «mundua hondamendi ekologikotik ateratu». Komisaldetan tratatu ezin hobea jaso zutela adierazi dute atxilotuek.

Lau talde joango dira Nafarroatik Euskal Kantu Txapelketara

Lakuntzako Turunbay ahizpak, Leitzako Izarra taldea, Iruñeko Zaldiko Maldiko taldea eta Lizarrako Mikel Elizaga eta Miren Larunberen bikotea, izan ziren saridun atzo Donezteben jokatu zen Nafarroako Euskal Kantu Txapelketako finalean. Lau kantari talde hauek gainera, ekainaren 28an Donibane Lohitzunen jokatu den Euskal Herriko Kantu Txapelketako finalean parte hartuko dute.

Nafarroako Txapelketak bi kanporaketa izan ditu, eta 130 kantari aritu izan dira. Epaimahai hiru lagunek osatzen zuten, Koldo Pastor Iruñeko 'Los Amigos del Arte' taldeko presidentea, Eusebio Izeta kantari eta kantuzale elizondarra, eta Xanbi Begiristain musikari eta txistularia.